



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCXLIX. De Eventu mirabili in hoc bello.

urn:nbn:de:hbz:466:1-11850

Conradus de Feuchtwangen X. Mag. Gen. Ord. Teuton.
Meneko de Quersfurt XII. Mag. Provinc. in Pruss.

Anno Domini MCCXCIV. tempore hyemali Magister de salute fidelium sollicitus, cum potentia exercitus sui volens invadere territorium (a) Erogel, disvasum fuit ei. Unde divisit exercitum in duas partes, sic quod fratres de Raganita cum Sambitis intraverunt territorium Pastovia, alia pars processit contra territorium Gesovia, utrumque molestantes graviter per incendium, sic quod occisis & captis C. hominibus, cum præda maxima sunt reversi.

ANIMADVERSIO.

(a) Addit Jerofchinus, Coelestinum Papam, cum vix annum sedisset, Pontificatu cessisse, & monasterio, in quo antea vixerat, se inclusisse. fol. 176. Conf. que ad Caput CCLIX. notavimus.

CAP. CCXLIX.

De

Eventu mirabili in hoc bello.

Notandum quod quando movetur bellum, exercitus dividitur in diversas vias, ut possit ordinatè & sine pressura procedere; tamen sæpè contigit ex vario eventu, quod prætermisâ debitâ ordinatione conveniunt in glacie centum equites, vel CC. vel mille, ad unum locum. Qualiter autem glacies tam grave onus possit sustinere sine fractura, nescio, DEUS scit. Undè in multis bellis hyemalibus & maxime in isto, de quo jam dictum est, posset mira res & admiratione digna considerari, si quis vellet diligentius intueri. Quia exercitus iste in fine hyemis, quando glacies solis calore superveniente supra, & aquæ fluxu infra consumitur, in media nocte armatus transivit glaciem Memelæ, & dum transiisset sine omni periculo, dissoluta fuit & contracta, sic quod manè facto non apparebant vestigia glaciæ. Quis hæc facere poterat, nisi ille solus, qui imperavit mari, ut

T t

tan-

*Conradus de Feuchtwangen X. Mag. Gen. Ord. Teut.
Meneko de Querfurt XII. Mag. Provinc. in Prussia*

tanquam murus staret à dextris & à sinistris, & sicco pede Israeli-
gicus populus pertransiret.

C A P. C C L.

De

*Deprædatione Castrensiū de
Pista.*

HOc & tempore frater Th. de Esbeth, frater Otto de Bergo,
& frater Otto de Zedelice cum CCC. viris missis ad custo-
diam Castri Raganitæ, assumptis sibi fratribus & armigeris ibi-
dem profecti sunt ante Castrum Pistam, & totum gregem peco-
rum receperunt occisis multis infidelibus, LXX. homines captos
deduxerunt.

C A P. C C L I.

De

*Subversione Castri Ducis Masovia,
quod dicitur VVisna.*

EOdem anno Bonislaus Dux Masovia DEI timore postposito
in contemptum DEI & fidelium Christi præjudicium non
modicum & gravamen, hostes fidei Lethovinos in Castro suo
Wisna sæpius hospitavit, admittens, quod terram Pruschia & Po-
lonia deprædarent. Nec de hoc desistere voluit, licet pluries
salubriter moneretur. Unde frater Meneko Magister animad-
vertens, quod error, cui non resistitur, approbatur, & quod non
caret occultæ societatis scrupulo, qui manifesto facinori desinit
obviare, congregata multitudine pugnatorum, dictum Castrum
expugnans, funditus extirpavit.

CAP.